

Сән чинртә болд гаргъх „Варшава“ завод тосхлгън

ВАРШАВА (ТАСС). Варшавин ар захд, мелмлзгсн уста, хурдн урсхлта Висла голас хол биш, Олн-әмтнә Польшин нег ик гидг промышленн тосхлт кегдджәнә. 160 гар гектар газрин бәәр эзлгч, сән чинртә болд гаргъх „Варшава“ завод тосхлгдджана.

Эн промышленн тосхлтин бәәрнд ода дархна, прокати болн нань чигн цехсин гермуд бәргдчкв. Болв теднәс әмтин икнә—болд хәәльдг цех. Эн цехд ода электрическ 2 ик беш келгвнә кәдлмш адгьм-тагъар кегдджәнә. Теднәс негнә эн джилин намр эклдж, сән чинртә болд өгхмн, джилин чилгч күртл тер бешд 10 мингъгн тонн төмр хәәльгдхмн.

Утдан 200 метр, сндртән 9 давхр герлә әдл дархна цехд ода күчтә гидг өрглтин кранс, алхс, прессмуд, нань чигн

өдгә цагин промышленн зерзевс Советск Союзас авч ирдж тәвгдджәнә. Завод тосхлгд-джах газрт утдан 100 километр төмр хаалгъ, асфальтированн хаалгъ болн дууджнъ хаалгъ кегдв. Тосхлтин түрүн девснәгнә 1960 джил дуусгдад, завод джилдән 300 мингъгн тонн болд хәәльдж гаргъх производственн күчтә болхмн.

Сән чинртә болд гаргългъна „Варшава“ завод тосхлгънла зерглүлдж, индустриальн Силезин металлургическ предприятиясәр, шин заводт кәдлж кәдлмшчнр белдгдджәнә.

Өдгә цагт силезск металлургическ заводмуд „Варшава“ заводин төлә өбдән медртә 350 специалистнр белдджәнә. Терунәс талдан, эврәннә сән гисн кесг кәдлмшчнрән тер заводур бас илгәчхәхмн.